

LAMPIRAN: Pantun Pilihan dari buku 'Kumpulan Pantun Melayu oleh Zainal Abidin Bakar (peny) 1984, Terbitan DBP.

1. Anak ayam turun satu,
Mati seekor habis hilang;
Afdal kami sampai ke situ,
Hendaknya diperkenankan Tuhan.

Mastika, Oktober 1960, hlm. 19

2. Bunga kenanga di atas kubur,
Sayang selasih burung angkasa;
Apa guna sombong takbur,
Akhir badan rosak binasa.

Perincis Paantun, hlm. 40

3. Anak ayam turun sepuluh,
Mati seekor tinggal sembilan;
Bangun pagi sembahyang Subuh,
Minta ampun kepada Tuhan.

Mastika, November 1960, hlm. 13

4. Banyak bulan perkara bulan,
Tidak semulia bulan puasa;
Banyak Tuhan perkara Tuhan,
Tidak semulia Tuhan Yang Esa.

Rangkaian Sastera Melayu, hlm. 49

5. Banyaklah hari antaara hari,
Tidak semulia hari Jumaat;
Banyak nabi antara nabi,
Tidak semulia Nabi Muhammad.

Pantun Melayu, (BP), hlm. 253

6. Terang sungguh batang keranji,
Tukang emas memukul perak;
Barang siapa mungkirkan janji,
Dunia akhirat alamat farak.

Hikayat Inderaputera, hlm. 166

7. Hari ini hari Khamis,
Besok hari Jumaat;
Barang siapa senyum dan manis,
Itulah tanda umat Muhammad.

"Koleksi Pantun Zakaria Hitam"

8. Hari ini hari Isnin,
 Hari esok hari Selasa;
 Baru kita dapat mengenal,
 Dapat mengenal Tuhan Yang Esa.
Mastika, Oktober 1960, hlm. 23

9. Anak ayam turun tiga,
 Mati seekor tinggal dua;
 Baru terbuka pintu syurga,
 Syurga bernama Jannah Mawi.
Mastika, Oktober 1960, hlm. 19

10. Burung putih terbang ke jati,
 Gula putih dimakan semut;
 Biji mata, si jantung hati, .
 Syurga di mana kita menurut.
Pantun Melayu, (W), hlm. 100

11. Todak menyerang Singapura,
 Habis dikerat dicincang lumat;
 Bila khianat pada manusia,
 Dunia akhirat tak selamat.
"Koleksi Pantun Zakaria Hitam"

12. Bukan tanah menjadi padi,
 Kalau jadi hampa melayang;
 Bukan bang menjadi haji,
 Jadi haji tak pernah sembahyaang.
Perincis Pantun, hlm. 42

13. Anak ayam turun sepuluh,
 Mati seekor tinggal sembilan;
 Dalam hati hancur luluh,
 Duduk berdoa pada Tuhan.
Mastika, Oktober 1960, hlm. 19

14. Daun terap di atas dulang,
 Anak udang mati dituba;
 Dalam kitab ada terlarang,
 Perbuatan haram jangan dicuba..
An Introduction to Malay Pantuns, hlm. 25

15. Hari ini hari Selasa,
 Hari esok hari Rabu;
 Dapat mengenal Tuhan Yang Esa,
 Wajib diturut perintahnya itu.
Mastika, Oktober 1960, hlm. 23

16. Hari ini hari Ahad,
 Hari esok hari Isnin;
 Dapat tahu naif dan isybat,
 Baru kita dapat mengenal.
Mastika, Oktober 1960, hlm. 233

17. Ambil pena tuliskan surat,
 Mari ditulis di atas batu;
 Dari dunia sampai akhirat,
 Badan dua menjadi satu.
Malay Pantuns, hlm. 41

18. Kemuning daunnya lampai,
 Tumbuh dijirat paduka tuan;
 Di atas dunia kaul tak sampai,
 Di dalam syurga bernantian.
Pantun Melayu, (AB), hlm. 118

19. Khoja Baktab terlalu mungkar,
 Menteri kepada Raja Badrillah;
 Di dunia dicari terlalu sukar,
 Serah sahaja ke hadrat Allah.
"Koleksi Pantun Zakaria Hitam"

20. Jong sarat kain bertulis,
 Pakaian Raja Bugis Makasar;
 Di Loh Mahfuz sudah tertulis,
 Janji tidak dapat ditukar.
"Koleksi Pantun Zakaria Hitam"

21. Anak ayam turun sembilan,
 Mati seekor tinggal lapan;
 Duduk berdoa pada Tuhan,
 Minta jalan ketetapan.
Mastika, Oktober 1960, hlm. 19

22. Taman Permata terlalu indah,
 Tempat bidadari Lela Utama;
 Dunia dicari terlalu susah,
 Terlebih baik mendirikan agama.
"Koleksi Pantun Zakaria Hitam"

23. Halia ini tanam-tanaman,
 Di barat sahaja akan tumbuhnya;
 Dunia ini pinjam-pinjaman,
 Akhirat juga akan sungguhnya.
Pantun Melayu, (AB), hlm. 1

24. Buah ara, batang dibantun,
Mari dibantun dengan parang;
Hai saudara dengarlah pantun,
Pantun tidak mengata orang.
Pantun Melayu (BP), hlm.27
25. Kulit lembu celup samak,
Mari buat tapak kasut;
Harta dunia janganlah tamak,
Kalau mati tidak diikut.
Pantun Melayu, (W), hlm. 163
26. Jasmani roh manusia,
Jadi dari empat anasir;
Hendak ingat mengeluarkan rahsia,
Akhirnya intan menjadi kaca.
"Koleksi Pantun Zakaria Hitam"
27. Hendak mandi marilah mandi,
Sementara ada timba upih;
Hendak mati marilah mati,
Sementara ada kain putih.
Pantun Melayu, (AB), hlm. 120
28. Buah rumia bawa ke huma,
Untuk dimakan sambil menjerat;
Hidup di dunia tidaklah lama,
Patut amalkan bekal akhirat.
Pantun Serbaneka, hlm. 60
29. Teritip di tepi kota,
Mari dikayuh sampan pengail;
Imam khatib lagikan berdoa,
Bertambah pula kita yang jahil.
Pantun Melayu, (W), hlm. Vi
30. Alam Pura Raja Mahkota,
Mati berperang terkena panah;
Ingat-ingat mengeluarkan kata,
Zaman sekarang banyak fitnah.
"Koleksi Pantun Zakaria Hitam"
31. Hari ini hari Jumaat,
Esok hari Sabtu;
Itu tanda umat Muhammad,
Laksana intan dalam batu.
"Koleksi Pantun Zakaria Hitam"

32. Jangan diraba sarang lebah,
 Lebah beribu berani mati;
 Jangan cuba hendak bermegah,
 Kerana itu perkara keji.
 "Koleksi Pantun Zakaria Hitam"
33. Zaman empat satu masa,
 Zaman mula pula dibilang;
 Jangan mengumpat sangat berdosa,
 Iman yang salih habis hilang.
 "Koleksi Pantun Zakaria Hitam"
34. Pergi ke paya menangguk sepat,
 Dapat juga ikan haruan;
 Jangan suka duduk mengumpat,
 Kerja keji dimurkai Tuhan.
 "Koleksi Pantun Zakaria Hitam"
35. Dari Melaka ke Kuala Lanar,
 Pergi meraih buah kurau;
 Jangan takut bercakap benar,
 Kerana itu tanda kejujuran.
 "Koleksi Pantun Zakaria Hitam"
36. Hari ini hari Sabtu,
 Esok hari Ahad;
 Jangan tinggal sembahyang lima waktu,
 Tentu tahu naif dan isybat.
Mastika, Oktober 1960, hlm. 23
37. Alang di sebelah alang,
 Anak ikan kena lukah;
 Jangan tuan alang-kepalang,
 Jangan diduga laut Mekah.
Kajian Puisi Melayu, hlm. 33
38. Bawa askin terlalu indah,
 Ombak bersusun berlari-lari;
 Jika berkata tidak berfaedah,
 Terlebih baik mendingankan diri.
 "Koleksi Pantun Zakaria Hitam"
39. Harban Dewa anaknya Zanggi,
 Rupanya elok manis sebahawa;
 Jikalau perempuan taatkan laki,
 Beroleh syurga Jannahtul Mahwa.
 "Koleksi Pantun Zakaria Hitam"

40. Kain basah dibubuh najin,
Rupanya indah berbagai ragi;
Jikalau tidak usaha dan rajin,
Di manakah kita mendapat rezeki.
"Koleksi Pantun Zakaria Hitam"
41. Tun Teja Ratna Benggala,
Pandai membelah lada sulah;
Jikalau tuan kurang percaya,
Mari bersumpah kalam Allah.
Sejarah Melayu, hlm. 220
42. Pisang embun masak merekah,
Dituris denagn pisau raut;
Kalau abang pergi ke Mekah,
Dua kali menyeberang laut.
Pantun Melayu, (W), hlm. 99
43. Terang bulan di pintu kurung,
Cahayanya sampai di daun kayu;
Kalau Allah hendak menolong,
Air pasang kapal pun laju.
Kajian Puisi Melayu, hlm. 32
44. Jalur ini terlalu laju,
Dapatkah kuntum di gua batu;
Kalau iktikad tidak setuju,
Bilakan sampai ke tempat itu.
Kajian Puisi Melayu, hlm. 35
45. Banyak dilihat jauh berjalan,
Lama hidup banyak dirasai;
Kalau kita dalam kerapatan,
Marah dan duka jangan dipakai.
Langgam Sastera Lama, hlm. 170
46. Tempatnya lapang udara nyaman,
Air mudah kayu pun ada;
Masa mati tidak dihebahkan,
Sebab itu wajiblah sedia.
"Koleksi Pantun Zakaria Hitam"
47. Dua tiga empat lima,
Enam tujuh lapan sembilan;
Kita hidup tidakkan lama,
Jangan lupa siapkan bekalan.
Pantun Melayu, (AB), hlm. 46

48. Hari ini hari Rabu,
Hari esok hari Khamis;
Kita sembah Tuhan yang satu,
Sentiasa dengan tangis.
Mastika, Oktober 1960, hlm. 23
49. Anak ruan lima-lima,
Mati ditimpa punggung berdaun;
Kasih tuan saya terima,
Jadi hutang dunia akhirat.
Pantun Melayu, (W), hlm. 67
50. Lama hidup banyak dirasai,
Berbagai-bagai tanggugnagn badan;
Marah dan duka jangan dipakai,
Supaya tumbuh kata kebenaran.
Langgam Sastera Lama, hlm. 171
51. Masa berada di Pulau Jawa,
Rakan-rakan ajak menjalaa;
Maha berkuasa janganlah lupa,
Kuasa Tuhan tiada terhingga.
"Koleksi Pantun Zakaria Hitam"
52. Di sana padi di sini padi,
Itulah nama sawah dan bendang;
Di sana budi di sini budi,
Barulah sempurna bernama orang.
Pantun Bunga Rampai, hlm.59
53. Asam kandis asam gelugur,
Ketiga asam si riang-riang;
Menangis mayat di pintu kubur,
Teringat badan tidak sembahyang.
Alam Puisi Melayu, hlm. 19
54. Anak ayam turun enam,
Mati seekor tinggal lima;
Menyuruh umat membawa iman,
Turun mengikut alim ulama.
Mastika, Oktober 1960, hlm. 19
55. Kemumu di dalam semak,
Jatuh melayang selaranya;
Meski ilmu setinggi tegak,
Tidak sembahyang apa gunanya.
Pantun Melayu, (BP), hlm. 252

56. Akar keramat akar bertuah,
Akar bertampuk di gua batu;
Nabi Muhammad bercintakan Allah,
Di manakah tuan masa itu?
Pantun Mekayu, (W), hlm. Xii
57. Anak ayam turun tujuh,
Mati seekor tinggal enam;
Nabi Muhammad nabi pesuruh,
Menyuruh umat membawa iman.
Mastika, Oktober 1960, hlm. 19
58. Asamnya kandis asam gelugur,
Ketiga dengan asam remunia;
Nyawa menangis di pintu kubur,
Hendak kembali ke dalam dunia.
Dewan Bahasa, 3:1, Januari 1959, hlm. 647
59. Malas hamba menyelam bubu,
Takut terpijak binatang berbisa;
Orang malas menuntut ilmu,
Di akhirat kelak badan binasa.
Mastika, Disember 1956, hlm. 35
60. Layar tupang sahaya balikkan,
Ditarik agung sahaya selawatkan;
Pada nabi sahaya pohonkan,
Sebarang maksud sahaya turutkan.
Kajian Puisi Melayu, hlm. 37
61. Zahir nabi di tanah Arab,
Nabi Muhammad ismu namanya;
Pekerjaan jahat jangan diharap,
Tidak selamat akan jadinya.
"Koleksi Pantun Zakaria Hitam"
62. Pohon pandan pohon berduri,
Dipandang amat sedap;
Hidup di dunia bahasa dan budi,
Serta jua tertib beradab.
"Koleksi Pantun Zakaria Hitam"
63. Anak ayam turun lapan,
Mati seekor tinggal tujuh;
Pinta jalan ketetapan,
Mengikut nabi pesuruh.
Mastika, Oktober 1960, hlm. 19

64. Selasa bernama hari,
Lima kali pada sebulan;
Racun yang bisa telah diketahui,
Ajak dan janji maka ditelan.
"Koleksi Pantun Zakaria Hitam"
65. Ratib-ratib sirih sekapur,
Bunga kembang di hujung kolam;
Ratib-ratib semua sekampung,
Ratib seorang memuji Allah.
Mastika, Disember 1957, hlm. 32
66. Bakar damar di Tanjung Palas,
Bilah juga akan suginya;
Saya benar serta ikhlas,
Allah juga akan saksinya.
Pantun Melayu, (W), hlm. 94
67. Air mudah kayu pun ada,
Ikan banyak di tepi pantai;
Sebab itu wajiblah sedia,
Supaya kemudian tidak menyesal.
"Koleksi Pantun Zakaria Hitam"
68. Buat serunai batang padi,
Bunyi lagu seri pualam;
Serban bukan semuanya haji,
Haji terletak pada amalan.
Perincis Pantun, hlm. 42
69. Mencari palas ke sana sini,
Palas ada di simpang empat;
Siapa bermalas semasa ini,
Kemudian akhirat rugi mendapat.
"Koleksi Pantun Zakaria Hitam"
70. Indahnya bahtera perahu kenaikan,
Diiringkan oleh sampan borlah;
Sudah habis kanda fikirkan,
Melainkan mana takdir Allah.
Anggun Cik Tunggal Putera Malang, hlm. 54
71. Hari ini hari Khamis,
Hari esok hari Jumaat;
Sudah kita tunduk menangis,
Baru sah umat Muhammad.
Mastika, Oktober 1960, hlm. 23

72. Anak ayam turun empat,
Mati seekor tinggal tiga;
Supaya beroleh jalan makrifat,
Baru terbuka pintu syurga.
Mastika, Oktober 1960, hlm. 19
73. Dari Tembeling hilir ke Pekan,
Singgah bermalam di Pulau Puyuh;
Suruhan Tuhan segera ditunaikan,
Janganlah ditangguh-tangguh.
"Koleksi Pantun Zakaria Hitam"
74. Anak ayam turun mati,
Mati seekor tinggal satu;
Syurga bernama Jannah.Wahi,
Afdal kami sampai ke situ.
Mastika, Oktober 1960, hlm. 19
75. Tiada boleh menetak jati,
Papan di Jawa dibelah-belah;
Tiada boleh kehendak hati,
Kita di bawah perintah Allah.
Pantun Melayu, (PB), hlm. 31
76. Kobat Bisnu raja di alam,
Seri Sultan Mahkota desa;
Taubat terselit siang dan malam,
Baru terampun segala dosa.
"Koleksi Pantun Zakaria Hitam"
77. Tetak tebu membuat dayung,
Hendak berdayung di Sunagi Melaka;
Tuntut ilmu hendak berpayung,
Hendak berpayung di dalam syurga.
Mastika, Disember 1981, hlm. 35
78. Dari Kelang lalu ke Jawa,
Naik sigai ke atas atap;
Ikan kering lagi ketawa,
Mendengar tupai baca kitab.
Hpanun Melayu (W), hlm. x
79. Anak ayam turun lima,
Mati seekor ttinggal empat;
Turut mengikut alim ulama,
Supaya berbetulan jalan makrifat.
Mastika, Oktober 1981, hlm. 19

80. Lepas mas-mas pula,
Mas sekupang di dalam cerana;
Lepas maaf maaf pula,
Maaf seorang maaf semua.
Mestika, Mei 1961, hlm. 18
81. Apa guna berkain batik,
Kalau tidak dengan sujinya;
Apa guna beristeri cantik,
Kalau tidak dengan budinya.
Pantun, hlm. 56
82. Bagaimana aku tak ikat,
Kait-kait dengan durinya;
Bagaimana aku tak ingat,
Orang baik hati budinya.
Mastika, Mei 1959, hlm. 13
83. Bunga melati bunga di darat,
Bunga seroja di tepi kali;
Hina besi kerana karat,
Hina manusia tidak berbudi.
Pantun Serbaneka, hlm. 101
84. Ayun anak ayun,
Ayun sampai hujung serambi;
Bangun anak bangun,
Jangan tidur meninggi hari.
Dewan Bahasa, 2:4, April 1958, hlm. 206
85. Pokok kelapa ditanam berjajar,
Nampak dari tepi pantai;
Barang siapa rajin belajar,
Tentu dia menjadi pandai.
Pantun Melayu Lama, hlm. 31
86. Timang tinggi-tinggi,
Sampai cucur atap;
Belum tumbuh gigi,
Pandai baca kitab.
Perincis Pantun, hlm. 11
87. Mari dibantun dengan parang,
Berangan besar di dalam padi;
Pantun tidak mengata orang,
Janganlah syak di dalam hati.
Pantun Melayu Lama, (BP) hlm. 27

88. Ambil galah kaitkan jantung,
Ciak banyak makan di jalan;
Pada Allah tempat bergantung,
Datang tombak kita melawan.
Hikayat Hang Tuah, hlm. 173
89. Ulam tipus bersambal cuka,
Kuah dihirup begitu rakus;
Biar mampus merebut pesaka,
Jangan hidup digelar dayus.
Pantun Serbaneka, hlm. 54
90. Bintang tujuh sinar berseri,
Bulan purnama datang menerpa;
Ajaran guru hendak dijari,
Mana yang dapat janganlah lupa..
An Introduction to Malay Pantuns, hlm. 23
91. Rumah batu berpintu kaca,
Rumah Tuanku Malim Sutan;
Ambil buku mari dibaca,
Perintang hati diharu setan.
Pantun Melayu, (BP), hlm. 49
92. Pada berlari baik berlompat,
Barang dicari segera dapat;
Sudah berbudi jangan diumpat,
Balasan baik syurga dapat.
"Pantun Dondang Sayang Baba Kim Teck"
93. Buah ganja makan dikikir,
Dibawa orang dari hulu;
Barang kerja hendak difikir,
Supaya jangan mendapat malu.
Pantun Melayu, (BP), hlm. 237
94. Tetakkan parang ke dahan sena,
Belah buluh taruhlah temu;
Barang kerja takkan sempurna,
Bila tidak menaruh ilmu.
An Introduction to Malay Pantuns, hlm. 24
95. Banyak orang pergi menjala,
Menjala udang di dalam parit;
Jagalah diri jangan tercela,
Rosak nama bangsa terpalit.
"Koleksi Pantun Zakaria Hitam"

96. Melangir keris pusaka hikmat,
Keris sejarah sejak bahari;
Kalau gadis ingin selamat,
Jangan murah menjual diri.
Pantun Serbaneka, hlm. 62
97. Dayung perahu tuju haluan,
Membawa rokok bersama rempah;
Kalau ilmu tidak diamalkan,
Ibarat pokok tidak berbuah.
Berita Minggu, 31 Ogos 1980
98. Menanam kelapa di Pulau Bukum,
Tinggi sedepa sudah berbuah;
Adat bermula dengan hukum,
Hukum bersandar di kitab Allah.
Pantun Melayu Sastera Rakyat, hlm. 6
99. Berbuah lebat pohon mempelam,
Rasanya manis dimakan sedap;
Bersebarlah adat seluruh alam,
Adat pusaka berpedoman kitab.
Pantun Melayu Sastera Rakyat, hlm. 6
100. Kalau jagung kulitnya putih,
Tidak berbunga masa berbuah;
Di laut Temenggung di darat Papatih,
Adat berpunca kitab Allah.
Pantun Melayu Sastera Rakyat, hlm. 6
101. Ijuk-ijuk tali perahu,
Tali bemban mengikat rakit;
Besok-besok baharu tahu,
Menaruh dendam jadi penyakit.
Pantun Melayu, (W) hlm. 35
102. Kampung Mengkasar, Sungai Mat Dulang,
Setentang dengan Pulau Maluna;
Jangan selalu berharap orang,
Perbuatan demikian tersangat hina.
"Koleksi Pantun Zakaria Hitam"
103. Tanam balik buah peria,
Buah peria mahal sekali;
Buat bauk berpada-pada,
Buat jahat jangan sekali.
Perincis Pantun, hlm. 40

104. Pergi ke hulu membawa angsa,
Angsa berasal dari seberang;
Kalau mahu hidup sentosa,
Jangan dengar umpatan orang.
Perintis Pantun, hlm. 39
105. Pinang muda dibelah dua,
Manik-manik mati dirambah;
Dari muda sampai tua,
Pengajaran baik jangan diubah.
Pantun Melayu, (BP), hlm. 242
106. Tempat bermain Indera Mengindera,
Bersama dengan hulubalang delapan;
Datang masa rebutlah segera,
Jika tidak putus harapan.
Dewan Bahasa, 2:12, Disember 1958, hlm. 589
107. Sarung kertas batang cendana,
Sibur kaca berisi gula;
Datanglah arif yang bijaksana,
Akan penghibur hati yang gila.
Hikayat Indraputera, hlm. 164
108. Ketua-ketua raja duduk,
Jangan ditimpa papan;
Diketahui ganja itu mabuk,
Apakah sebab maka dimakan.
Sejarah Melayu, hlm. 273
109. Tanah baik negerinya besar,
Banyak orang pergi mari;
Ramah baik lagi penyabar,
Banyaklah orang mesra di hati.
Pantun Bungaa Rampai, hlm. 30
110. Angin bertiup kembangkan layar,
Haluan menuju ke pekan;
Hendaklah hidup berikhtiar,
Kemudian serahkan Tuhan.
"Koleksi Pantun Zakaria Hitam"
111. Terang bulan di malam sepi,
Cahaya memancar ke pokok kelapa;
Hidup di dunia buatlah bakti,
Kepada saudara ibu dan bapa.
Perancis Pantun, hlm. 39

112. Pokok senduduk baru berbunga,
Daunnya habis dimakan api;
Selama-lama hidup di dunia,
Seribu tahun lawannya mati.
Mestika Okt.1956, hlm. 36
113. Menulis surat di dalam gelap,
Hurufnya salah banyak tak kena;
Jagalah diri jangan silap,
Jikalau silap dapat bencana.
"Koleksi Pantun Zakaria Hitam"
114. Jangan ditarik lembu garang,
Kalau ditarik banyak susahnya;
Jangan dirosak anak orang,
Kalau rosak maut padahnya.
Pantun Melayu, (AB), hlm. 98
115. Menanam bunga di dalam pasu,
Bunga melati dan bunga pandan;
Jangan ikut hawa nafsu,
Kelak nanti binasa badan.
Rangkaian Sastera Melayu, hlm. 48
116. Jangan gergaji pokok talas,
Nanti lesung dimakan pahat;
Jangan menjadi orang malas,
Perut kosong badan tak sihat.
Kajian Puisi Melayu, hlm 23
117. Buah berangan dalam kota,
Direndang orang tengah hari;
Janagn tuan kata-mengata,
Takut menimpa hidung sendiri.
Pantun Melayu, (AB), hlm. 108
118. Gunung Tahan sama didaki,
Sungai Pahang sama direnang;
Jikalau semua bersatu hati,
Kerja yang payah menjadi senang.
"Koleksi Pantun Zakaria Hitam"
119. Kalau ada jarum yang patah,
Jangan simpan di dalam peti;
Kalau ada silap sepatah,
Jangan disimpan di dalam hati.
Pantun Serbaneka, hlm. 106

120. Jika pelita sudah menyala,
Bawa ke anjung surung;
Kita semua bersaudara,
Sama-sama tolong-menolong.
Mastika, Januari 1958, hlm. 13
121. Bertentang dengan Air Berbagi,
Dipanggil Tanjung Pangtua;
Masa yang ada mesti jagai,
Supaya hidup aman sentosa.
"Koleksi Pantun Zakaria Hitam"
122. Terang bulan bintang berjajar,
Kapal belayar di laut Jawa;
Murid budak wajib belajar,
Bila besar tidak kecewa.
An Introduction to Malay Pantuns, hlm. 23
123. Orang haji dari Jeddah,
Buah kurma berlambak-lambak;
Pekerjaan guru bukanlah mudah,
Bagai kerja menolak ombak.
Pantun Melayu, (AB), hlm. 138
124. Pilih-pilih tempat mandi,
Pertama teluk kedua pantai;
Pilih-pilih tempat menjadi,
Pertama elok kedua pandai.
Pantun Melayu, (W), hlm. 11
125. Masa berjalan bawalah tongkat,
Kalau boleh jenis semambu;
Sama sekampung teguhkan pakat,
Kalau tidak musuh berkubu.
"Koleksi Pantun Zakaria Hitam"
126. Hujan lebat kilat menyambar,
Hingga nampak pasar dan pekan;
Sebarang pekerjaan tekun dan sabar,
Apa dihatat Tuhan kurniakan.
"Koleksi Pantun Zakaria Hitam"
127. Tali-temali pengikat lukah,
Jalan menuju arah ke paya;
Sepuluh kali pergi ke Mekah,
Fasal nafsu usah percaya.
Pantun Serbaneka, hlm. 62

128. Dari Pulau Tambun ke Pekan,
Menggunakan tenaga nelayan;
Tekun dan sabar asas kejayaan,
Rajin dan usaha kesenangan.
"Koleksi Pantun Zakaria Hitam"
129. Telipuk dibelah-belah,
Dengan sebelah di punggung pinggan;
Telunjuk kami diberi Allah,
Buat pembalut kapur berjintan.
Raja Donan, hlm. 78
130. Subur tumbuhnya pohon kelapa,
Buahnya banyak bertali-tali;
Turutlah kata ibu dan bapa,
Takbur jangan sekali-kali.
An Introduction to Malay Pantuns, hlm. 22
131. Dari Bera hilir ke pekan,
Hilir membawa buah berangan;
Walau hidup dalam kemewahan,
Kalau tak pakat orang tak segan.
"Koleksi Pantun Zakaria Hitam"
132. Orang Daik memacu kuda,
Kuda dipacu deras sekali;
Buat baik berpada-pada,
Buat jahat jangan sekali.
Petua Mengarang Pantun Melayu, hlm. 17
133. Hendak belayar di Teluk Betong,
Sambil mencuba labuhkan pukut;
Bulat air kerana pembentung,
Bulat manusia kerana muafakat.
Pantun Serbaneka, hlm. 66
134. Ke hulu memotong pagar,
Jangan terpotong batang durian;
Cari guru tempat belajar,
Supaya jangan sesal kemudian.
Pantun Dondang Sayang Vols.2, hlm. 77
135. Padi muda jangan dilurut,
Kalau dilurut, pecah batang;
Hati muda jangan diturut,
Kalau diturut salah datang.
Pantun Melayu, (W), hlm. 5

136. Kemumu di tengah pekan,
Dihembus angin jatuh ke bawah;
Ilmu yang tidak diamalkan,
Bagai pohon tidak berbuah.
Pantun Melayu, (AB), hlm. 24
137. Hari Khamis malam Jumaat,
Sembahyang Subuh pukul lima;
Janji kita biar selamat,
Subur kekal selama-lama.
Rangkaian Sastra Melayu, hlm. 46
138. Asap api embun berderai,
Patah galah haluan perahu;
Niat di hati tak mahu bercerai,
Kehendak Allah siapa tahu.
Mastika, Februari 1954, hlm. 9
139. Ke Tanjung menjual bayam,
Dayung terlepas sampan terapung;
Jangan diikut resmi ayam,
Bertelur sebiji riuh sekampung.
Nadaminggu, 2 Mac 1980
140. Pulau sembilan tinggal lapan,
Satu merajuk di Kuala Kedah;
Sudah nasib permintaan badan,
Kita di bawah kehendak Allah.
Awang Sulung Merah Muda, hlm. 55
141. Pergi ke hulu mencari rebung,
Gulai bersama ikan tenggiri;
Kalau selalu bercakap bohong,
Lama-lama jadi pencuri.
Nadaminggu, 31 Ogos 1980
142. Dari Bera hilir ke Tanjung,
Dari sana terus ke Penyagu;
Kalau tidak dipecah ruyong,
Macam mana mendapatkan sagu.
"Koleksi Pantun Zakaria Hitam"
143. Cempedak lebat ke pangkal,
Masak sebiji di pagi hari;
Kalau tiada emas berbungkal,
Jangan cuba meninggi diri.
Pantun Melayu, (AB), hlm. 107

144. Kaca batu beri berangkai,
Ambil peti muatkan panah!
Pada hidup bercerminkan bangkai,
Baik mati berkalang tanah.
Mastika, Disember 1958, hlm. 34
145. Tanjung Medang pasirnya luas,
Bertentang dengan Air Berbagi;
Usah dikenang masa yang lepas,
Masa yang ada mesti dijagai.
Koleksi Pantun Zakaria Hitam
146. Buah nangka buah mempelam,
Mari dikait untuk kenduri;
Usah suka pinjam-pinjaman,
Kalau berduit beli sendiri.
Pantun Serbaneka, hlm. 62
147. Nyiur muda dibuat pengat,
Mari makan lalu puasa;
Wahai pemuda hendaklah ingat,
Kerana mulut badan binasa.
Pantun Bunga Rampai, hlm. 26
148. Deram-derum ombak di laut,
Sampan karam di kolam mawar;
Jika belum ajal dan maut,
Racun diminum jadi penawar.
Pantun Bunga Rampai, hlm. 41
149. Pucuk si Lingga-linggalah,
Pucuk si jawi-jawi muda;
Tanah suci tinggal-tinggallah,
Kampung hamba menanti jua.
Pantun Melayu, (AB), hlm. 69
150. Pokok terap di tengah padang,
Datang gajah dilelainya;
Tengah sedap mata memandang,
Datang Allah dicerainya.
Malay Pantuns, hlm. 81